



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDSJEDNIKA I POTPREDSJEDNIKA

Broj: 01-4-03-3-520-3/23

Dana: 10.05.2023. godine

BOSNA I HERCEGOVINA
MINISTARSTVO KOMUNIKACIJA I TRANSPORTA BiH

Trg BiH 1, 71000 Sarajevo

— N/r g. **Edin Forto**, ministar

PREDMET: Mišljenje na Prednacrt pravilnika o međunarodnom vanlinijskom drumskom prevozu putnika, - dostavlja se

Poštovani,

Na osnovu akta Ministarstva komunikacija i transporta Bosne i Hercegovine, broj: 11-02-2-962-2/23 od 19.04.2023. godine, kojim se u skladu sa članom 7. Zakona o Spoljnotrgovinskoj komori Bosne i Hercegovine ("Službeni glasnik BiH" br: 30/01 i 72/13), traži mišljenje na priloženi tekst *Prednacrt pravilnika o međunarodnom vanlinijskom drumskom prevozu putnika*, informišemo Vas, da smo proveli proceduru traženja mišljenja od članova Udruženja prevoznika u međunarodnom i međuentitetskom drumskom prevozu putnika Spoljnotrgovinske komore Bosne i Hercegovine.

Nakon provedene procedure pribavljanja prijedloga i sugestija članova Odbora Udruženja, te uz uvažavanje prijedloga Odbora Udruženja prevoznika u međunarodnom i međuentitetskom drumskom prevozu putnika Spoljnotrgovinske komore Bosne i Hercegovine, za predmetni Prednacrt Pravilnika, predlaže se sljedeća izmjena i dopuna i to:

- u stavu (1) člana 3. Prednacrt pravilnika riječ „Ministarstvo komunikacija i transporta Bosne i Hercegovine (u daljem tekstu: **Ministarstvo**)“ zamjenjuje se riječima „Spoljnotrgovinska komora Bosne i Hercegovine (u daljem tekstu: **Komora**)“;
- u stavu (2) člana 3. Prednacrt pravilnika riječ „Ministarstvu“ zamjenjuje se riječju „Komori“;
- u skladu sa ovim prijedlogom potrebno je uskladiti i ostale odredbe Prednacrt pravilnika.

Navedenim izmjenama Prednacrt pravilnika poslove izdavanja dozvola i knjiga putnih listova obavljala bi Spoljnotrgovinska komora Bosne i Hercegovine uvažavajući odredbe člana 19. stav 3. i člana 47. stav 2. Zakona o međunarodnom i međuentitetskom drumskom prevozu.

Spoljnotrgovinska komora Bosne i Hercegovine, u okviru svojih nadležnosti, obezbjeđuje zastupanje interesa svojih članova, te kroz partnerski odnos sa nadležnim organima Bosne i Hercegovine utiče na razvoj i unaprjeđenje međunarodnog transporta i komunikacija, te bi obavljanje poslova izdavanja dozvola i knjiga putnih listova bilo unaprjeđenje partnerskih odnosa nadležnih organa Bosne i Hercegovine, a što je u skladu sa zahtjevom Skupštine Udruženja prevoznika u međunarodnom i međuentitetskom drumskom prevozu putnika Spoljnotrgovinske komore Bosne i Hercegovine.

Takođe, predloženo u ovom aktu je u duhu razgovora i razmijenjenih stavova na sastancima predstavnika Ministarstva komunikacija i transporta Bosne i Hercegovine i predstavnika Spoljnotrgovinske komore Bosne i Hercegovine, održanih u posljednja dva mjeseca, kao i već pokrenutih obostranih aktivnosti na tehničkom nivo.

Očekujući puno razumjevanje i uvažavanje iznesenog u ovom aktu, te nastavak i dalje unaprjeđenje međusobne saradnje, unaprijed Vam zahvaljujem i srdačno Vas pozdravljam.

S poštovanjem,

Dostavljeno:

- Naslovu,
- a/a.

